

KERATAN AKHBAR

TARIKH : 9 SEPTEMBER 2023
AKHBAR : BERITA HARIAN
MUKA SURAT : 23

Kajian separuh penggal RMK-12 gariskan anjakan besar

Kajian separuh penggal RMK-12 gariskan anjakan besar

Rancangan perlu ditambah baik sesuai keadaan pasca COVID-19 untuk capai sasaran

Oleh Mahanum Abdul Aziz
mahanum_aziz@bh.com.my

Kajian Separuh Penggal Rancangan Malaysia Ke-12 (RMK12) yang akan dibentangkan di Dewan Rakyat Isnin ini sememangnya memerlukan penambahbaikan dan anjakan menyeluruh.

Antara anjakan besar yang mungkin disentuh membolehkan peningkatan kecukupan perkhidmatan awam; kemampuan fiskal kerajaan; subsidi bersasar; gaji progresif; perumahan; tenaga boleh diperbaharui; perumahan; jaringan keselamatan sosial; keberterjaminan makanan; perusahaaan mikro, kecil dan sederhana (PKMS); infrastruktur awam dan ekonomi digital.

Penambahbaikan jangka dibuat memandangkan persekitaran ekonomi dan sosial di negara ini banyak berubah sejak RMK12 diperkenalkan pada 2021 iaitu ketika negara giat bergelut dengan pandemik COVID-19.

Namun, situasi ketika ini banyak berubah dan negara berada dalam fasa berlainan dari segi isu dan cabaran, kata penganalisis. Susulan itu, perancangan awal



dalam rancangan lima tahun 2021 hingga 2025 itu sudah pasti memerlukan perubahan serta langkah baharu bagi mencapai matlamat pembangunan serta pertumbuhan ekonomi yang mamur, inklusif dan mampan.

Malah, ia juga perlu sejajar dengan hala tuju pentadbiran baharu negara ketika ini iaitu yang berlandaskan kerangka Ekonomi MADANI Memperkasakan Rakyat.

Meskipun RMK12 menunjukkan kemajuan setakat ini, usaha wajar diagihkan dalam memantapkan lagi kebajikan rakyat dan meningkatkan daya saing negara. Tumpuan pastinya ke arah mencapai negara sejahtera, mampan dan berpendapatan tinggi dengan menaikkan 'lantai' dan 'siling' fokus berkesan.

Ketua Ahli Ekonomi dan Kewangan Sosial Bank Muamalat Malaysia Ma-

lyssia Bhd, Dr Mohd Afzanizam Abdul Rashid, berkata pejaliran semula wajar dilaksanakan selaras konsep Ekonomi MADANI.

Katanya, terdapat perkara yang perlu diubah suai dan ditambah baik dalam rancangan lima tahun itu supaya waktu yang 'hilang' ketika COVID-19 dapat diganti semula demi kesejahteraan rakyat.

Pencapaian agak bercampur

Beliau berkata, sejak RMK-12 dilancarkan, pencapaian setakat ini dilihat masih agak bercampur seperti sasaran nisbah gaji pekerja kepada Keluaran Dalam Negara Kasar (KDNK) adalah 40 peratus, namun pencapaian setakat 2022 adalah 32.4 peratus.

Selain itu, katanya pertumbuhan ekonomi yang dijangkakan adalah antara 4.5 hingga 5.5 peratus, manakala pencapaian sebenar 3.3 peratus dan 3.7 peratus pada 2021 dan 2022.

"Justeru, ia agak meruap bagi trend pertumbuhan KDNK. Oleh itu, apa yang perlu dilakukan adalah mempercepat pelaksanaan projek infrastruktur berimpak tinggi supaya kesannya dapat dirasai secepat mungkin."

“Apa yang perlu dilakukan adalah mempercepat pelaksanaan projek infrastruktur berimpak tinggi supaya kesannya dapat dirasai secepat mungkin.”

Mohd Afzanizam Abdul Rashid, Ketua Ahli Ekonomi dan Kewangan Sosial Bank Muamalat Malaysia Bhd



Ahmed Razman Abdul Latiff, Penganalisis Ekonomi PBS

“Di samping keinginan untuk menilai 100 peratus RMK12, agenda utama tidak harus dilupakan iaitu kesejahteraan dan kemakmuran rakyat.”



Usaha capai sasaran 2025 selaras aspirasi Malaysia MADANI

Kajian Separuh Penggal Rancangan Malaysia Ke-12 (RMK12) penting dalam memastikan sasaran yang ditetapkan pada 2025 mampu dicapai selaras aspirasi Malaysia MADANI, kata Timbalan Ketua Setiausaha (Makro) Kementerian Ekonomi, Luqman Ahmad.

Kajian Separuh Penggal RMK-12 yang akan dibentangkan Perdana Menteri, Datuk Seri Anwar Ibrahim di Parlimen Isnin ini menggariskan pencapaian bagi 2021 hingga 2022 dan hala tuju bagi 2023 hingga 2025 ke arah mencapai negara mampan, sejahtera dan berpendapatan tinggi dengan mengambil kira cabaran

domestik, trend global semasa danutamakan Kerajaan Perpaduan.

Sehubungan itu, Luqman berkata, penekanan naratif Ekonomi MADANI untuk menstruktur semula negara ke arah menjadi peneraju ekonomi Asia, akan menjadi tonggak Kajian Separuh Penggal RMK-12. "Dalam usaha (memberi) tindak balas secara berkesan untuk menangani cabaran domestik dan global, pelaksanaan semula inisiatif pembangunan perlu dipercepatkan," katanya yang menjadi tamu pada program REAKSI terbitan Bernama Radio, semalam.

Mengulas selanjutnya, Luqman berkata, Malaysia telah mencapai pertumbuhan ekonomi memberangsangkan termasuk Keluaran Dalam Negara Kasar (KDNK) purata 5.9 peratus setahun pada 2021 hingga 2022 yang melebihi sasaran ditetapkan dalam RMK-12 yang diterajui oleh peningkatan aktiviti buruh dan sektor swasta.

Bagaimanapun, katanya pencapaian itu sedikit terjejas berikutan cabaran pada peringkat global seperti ketegangan geopolitik, gangguan rantaian bekalan serta kenaikan harga komoditi dan inflasi yang tinggi.

"Dalam negara, Malaysia menghadapi cabaran jurang pertumbuhan antara wilayah dan negeri serta ruang fiskal yang terhad," katanya.

Atas alasan itu, Luqman menyifatkan dokumen KSP RMK-12 yang disediakan oleh Kementerian Ekonomi, adalah hasil pendekatan keseruhuran rakyat menerusi sesi libat urus secara meluas, termasuk pada peringkat kementerian, kerajaan negeri, pemain industri, ahli akademik serta pertubuhan serta masyarakat umum.

Usaha menerusi mesyuarat kumpulan antara agensi, kumpulan kerja teknikal, kumpulan

fokus dan libat urus itu diadakan di semua negeri sejak September 2022 bagi mengumpul maklum balas semua pihak terbabit.

Beliau berkata, Kajian Separuh Penggal RMK-12 menyentuh semua bidang utama ekonomi, sosial dan alam sekitar yang merangkumi pertumbuhan, penyampaian perkhidmatan awam, kos sara hidup, agenda negara menua, kemiskinan, pasaran buruh dan pelaksanaan matlamat mampan serta prinsip alam sekitar, sosial dan tadbir urus (ESG) bagi memastikan ekonomi negara berada di landasan yang betul.

BERNAMA